

Sacerdos Aut Sanctus Aut Reprobus

Dufrène, Maximilian Augustæ Vindelicorum, 1743

Consideratio 3. lidem animarum curam gerentes observantur.

urn:nbn:de:hbz:466:1-60483

100

Mi.

tdo

ert

u-

DIES SECUNDA. Confideratio III.

Sacerdos fervens & tepidus animarum curam gerentes observantur, & discriminantur.

Divinæ gloriæ, ac salutis animarum zelô sanctè flagrat Sacerdos bonus: friget utrinque Sacerdos tepidus. Primi beatos ardores, dein secundi miserrimos algores inspiciamus.

Pundum I.

Sacerdotis boni zelus ardens consideratur.

Reputans secum ipso Sacerdos bonus, quantum DEO suo debeat, sive ut creatura, sive ut homo, & quam maxime ut Sacerdos, Divinæ gloriæ zelum identidem in se suscitat. Dumque considerat Aulicos terrenos Principi alacriter samulantes, & illius honori ubique consulentes, nobilissimum ignem concipit, quo pulcherrime slagrat. Cum verò intelligit, Divinis honoribus consulere se aliter non posse,

posse, nisi animarum salutem procurando, primo quidem cognoscere studet, quanti sit anima hominis : Secundo, quanti steterit : Tertiò, qualis æternum sit sutura: Quarto, quid Christus laborti ac delorti pro anima susceperit? sic ergo secum fervens Sacerdos : hominis anima DEI mei perfectissima in terris imago est, substantia spiritualis, rationalis & immortalis, in qua Divinæ persectiones maxime relucent : Præstantissimum Verbi DEI opus, in quod omne ejus studium confertur. JEsu Christi sanguis illius pretium est, tantúmque valet, quantum DEus Incarnatus. Dein hominis anima vel æternum beata erit cum DEO suo, si salutem obtineat, vel infelicissima, si pereat. Et quid non præstitit in bonum animæ meæ piissimus Redemptor? (a) Dilexit me, & tradidit semetipsum pro me. Quid igitur retribuam Domino? Nesciat limites gratus animus! Dare quidem nil possum; sed animas dilectas, tantô salvatas pretiô juvare possum: nulli ergo tanta in re parcendum labori.

His luminibus instructus quid non agit Sacerdos servens? Continuò secum reputat gregis sui necessitates. In hac domo, inquit, magnum frigus habitat, quod pellendum: In ædibus illis scandala sunt, quibus obnitendum: ibi dissidia, quibus succurrendum: alibi pericula, quibus obviandum.

(a) Gal, 2, 20,

fit

id

e-

119

a.

&

es

bi

11

15

n

出分

S

Ad rem Divinam illi adultiores urgendi : ad doctrinæ Christianæ frequentationem juniores aptè compellendi, scholæ visitandæ &c. Rationes dein secum init, ac vias optimas disquirit, ut medicinam afferre malis omnibus possit, manumque operi strenuè admovet. - - Agit per semetipsum, quantum potest, & quantum sacerdotalis prudentia permittit: Înstruit & exhortatur publicè ac privatim, paterne admonet, instat, urget, obsecrat in omni patientia & doctrina. - - Plurimum desudat in sacro tribunali, ubi & plurimum prodest. Aliàs monet superiores, DEum ferventer orat, sese humiliat, ubi difficultates occurrunt, quibus superandis par esse non potest. Quòd si verò incassum subin recidant omnia, dolet, gemit, affligitur, & reparare factas DEO injurias pro viribus satagit, non ignarus, quid olim Propheta de sanctis Ecclesiæ temporibus sit vaticinatus : (a) Inter vestibulum & Altare plorabunt Sacerdotes Ministri Domini, & dicent, parce Domine, parce populo tuo! - - Correctio autem cum adhibenda est, vinum oleo miscet, animumque paternum moderatæleveritati comitem adjungit. Stat firmus contra vitia tanquam piè severus Pater, dum errantes tenere diligit ut Mater: Amat, quos increpat; solicitè fovet, quorum vulnera tractat.

E5

Ut

(a) foël. 2.

Ut paucis complectamur omnia 1. Zelo flagrat puro, & à propriis commodis alieno: non sibi laborat, sed Domino suo, cui animas lucrari satagit. 2. Zelo ardet simplici, sine acceptione personarum: animas quærit; hinc tanti apud ipsum est anima pauperis, acdivitis. Quod si tamen discrimen aliquod subinde faciendum, animabus maximè indigis primò succurrit. utitur discreto & prudente: tempori servit, loco & personis, quibus aptare se novit, ut ampliùs fructificet: Silet quandoque ad tempus, ut opportunius paulo post loquatur : cedit suaviter ac dissimulat, cum opus est, ut efficaciùs postmodum agat: fit omnibus omnia, ut omnes faciat salvos. 4. Zelô agitur forti, generoso, indefesso, & murum se opponit pro Domo DEL Quoscunque bolos, rusticitates, ingratitudines heroice concoquit : tepidorum acerbas crises sustinet invictus: labores etiam maximos athletice tolerat. - - Ut autem cum fructu laboret, semetipsum primò & præ omnibus curat : propriæ perfections constanter invigilat : sanctæ cum DEO conjunctioni perpetuò studet, bene gnarus, nihil posse instrumentum, nisi artificis manui probè aptatum.

Aliud non minimum zeli Sacerdotalis Argumentum breviter adhuc inspicere lubet. Adeamus templum, quod curæboni Pastoris subest, & videbimus signum aliud fervoris

sacerdos aut sanctus, aut reprobus. 75
ac zeli manifestum, quod illis Prophetæ
verbis continetur: (a) Domine, dilexi decorem Domûs tua! Templi ergo nitorem &
convenientem ornatum cordi semper habet
pii Sacerdotis zelus: mavult ipsemet carere,
quam ut DEI domus egeat: de suo necessaria curat, ubi sufficientes redditus illa non
habet. Sacræ supellectilis munditiem ante
omnia studiose curat: sordes & inquinamenta neque in animabus sibi creditis, neque in templo suo unquam dissimulat. Talis
est Sacerdotis boni zelus nobilissimus.

Pundum II.

Sacerdotis tepidi zelus aut nullus, aut praposterus.

Diametro contrarius est Sacerdoti servidos Sacerdos tepidus: intelligere nec vult, nec curat animarum pretium, nobilitatem, æternam sortem, susceptos illarum causa immensos à DEI Filio labores, atque hinc torpore infelici languet. (b) Qua sua sunt, quarit, non qua Fesu Christi. Sive igitur in grege Dominico sint oves infirmæ, morbidæ, macilentæ, sive non sint, parum id curat Sacerdos mercenarius, non pastor: seu lupus rapiat oves, seu non rapiat, modicum ille angitur. - Ulterius Verbi

(a) Pfal. 83. (b) Phil. 2. 21.

12

10

Verbi Divini pabulum vel non distribuit, aut male distribuit, sine præparatione, sine fervore, sine unctione: Quare nec docet, nec movet; sed aërem verberat, estvelut (a) as sonans, aut cimbalum tinniens, quia charitatem non habet. - - Catecheses quoque male instituit, & facile omittit: seu veniant ad eas parvuli, seunon veniant; sive discant necessaria, sive non discant, perinde ipsiest. - Si quid supererogatorium in animarum cura subin agendum esset, rejicit illud Sacerdos tepidus: Ad ista non obligor, ait, viderint illi, quorum interest : nihil innovandum, nihil successoribus præjudicandum: non admittit magnos labores tenue beneficium: satis prædico, & viam ostendo; si quis fructum hinc facere nolit, parum ad me. Heu! qualis hic zelus? Quam fordidus hic cum DEO, cum JEsu Christo, cum Ecclesia mercandi modus! Quasi verò modum aut mensuram habere posset, vel deberet Pastoralis, & Sacerdotalis zelus: Quasi verò non teneretur Pastor omni meliori modo gregi prodesse: Quasi verò nimium quid fieri posset, ubi de JEsu Christi gloria, & animarum falute agitur! - - Illis Pastoribus annumeratur Sacerdos tepidus, quos severè increpat Ezechiel Propheta: (b) Pastoribus Israël, qui pascebant semetipsos! Quod insirmum fuit, non consolidastis, & quod agrotum, non sanastis: quod confractum est, non alle-

(a) 1. Cor. 13. (b) 6.34.

Sacerdos aut sanctus, aut reprobus.

alligastis, & quod abjectum est, non reduxistis, & quod perierat, non quasisstis; sed cum austeritate imperabatis eis & cum potentia: Et dispersa sunt oves mea, eò quòd non esset Pastor, & facta sunt in devorationem omnium bestiarum agri, & dispersa sunt. - Speculatores ejus caci omnes, ait de hujusmodi Sacerdotibus Isaias, (a) Nescierunt universi: Canes muti, non valentes latrare; videntes vana, dormientes & amantes somnia.

Si denique zelum etiam nonnullum habeat Sacerdos tepidus, ut plurimum præposterus is erit: zelo utetur amaro, indiscreto, impetuoso, non secundum scientiam, non secundum charitatem. Tonabit è cathedra: strepitabit cum sonitu adversum scelera, nullum tamen horum emendabit, quia percutit, sed non sanat: Vulnerat quidem, sed vulne-

ra nequefovet, neque alligat.

Cæterùm utinam non essent & alii sive in Clero sæculari, sive in regulari Sacerdotes quàm plurimi, quos parum tangit desolatus Ecclesiæ status! Mille peccata committuntur in publico, & centum millia in occulto, ridebunt interim illi, & cuticulam curabunt, parum soliciti de graviter læsa Numinis gloria, de animarum strage, de orbitate lugentis Ecclesiæ. Unde verò desolatio tanta? Unde frigus illætabile? Salutem propriam videlicet non curat Sacerdos tepidus: quomodo alienam curabit? Qui sibi

(4)6.46.10.

ıt

a

78 Consideratio II.

sibi nequam, cui bonus? Nulla apud ipsum sacra meditatio, hinc nulla JEsu Christi notitia, nullus amor, nulla æstimatio, nullus servor.

Cùm verò sordes in anima propria dissimulet, quomodo decorem Domûs DEI curæ habebit? Vel ex inspecto ejus templo zeli expertem ac tepidum deprehendemus. Videbimus Sacram supellectilem malè ordinatam, paramenta lacera & obsoleta, linteamina sacra immunda, utinam non sordida sæpe ac semiputrida! Videbimus cum stomacho in Domo DEI pulveres, sordes, aranearum telas, pædorem & squalorem. Templi paupertatem obtendet equidem : verum studio ignorare cupit, quid hac in parte agant ferventiores. Ipse piaculo duceret vel obolum de suo in sacra expendere, liberalis cæteroquin vestiarii proprii, mensæ propriæ, cellæ vinariæ, ac similium curator. Vah quanta rursus inter Sacerdotem utrumque diversitas! Quantus hinc zeli Sacerdotalis ardor! Quam torpidus illinc & mæstus algor!

器(0)器

ME-